

Headlines

- लोकसभा दे औंदे चुनावं लेई रियासी च जोनल ते सैक्टरल मैजिस्ट्रेटें गितै इक्क दिन दे सिखलाई प्रोग्राम दा सरिस्ता कीता गेआ। मतदाताएं गी जागरूक करने लेई जम्मू च दिव्यांगें इक्क रैली कड़ी।
- सरकार नै सब्बनें अधिकारियें ते सरकारी कम्में लेई डिजिटल दस्तखत सर्टिफिकेट सरिस्ते दी बरतून गी लाजमी करी दित्ता ऐ।
- विदेश मंत्री डॉ. एस. जयशंकर होरें आखेआ ऐ जे आसियान मुल्लें दी मजबूत ते एकीकृत एसोसिएशन हिंद प्रशांत क्षेत्र दी इलाकाई बनावट च रचनात्मक भूमिका नभाई सकदी ऐ।
- राजौरी जिले च आतंकवादियें आस्सेआ गोलियां चलार्ई देने कन्नै इक्क फौजी दे भ्रास दी मौत होई गेई ऐ।

<><><><><><>

Reasi-Training

औंदे लोकसभा चुनावं गी लेइयै डी.सी दफ्तर रियासी च अज्ज ज़ोनल ते सेक्टरल मैजिस्ट्रेट्स आस्तै इक रोजा सिखलाई सत्र दा सरिस्ता कीता गेआ। इस सिखलाई दा मकसद इनें अधिकारियें गी चुनावं प्रक्रिया दौरान अपनी ड्यूटी लेई लोडचदे ज्ञान ते कौशल दा इस्तेमाल करने योग्य बनाना ऐ। सिखलाई दौरान रियासी दे जिला चुनावं अधिकारी विशेष महाजन होरें त्र'ऊं असेंबली हल्लें आस्तै बंड आले केंद्र बनाने, मतदान केंद्रें ते इनें केंद्रें बश्कार दूरी तै करने ते मतदान केंद्रें पर इंतजामें गी लेइयै केई मुद्दें उप्पर चर्चा कीती। एहदे अलावा केई होर विशें उप्पर बी गल्लबात होई जिंदे च चुनावं सरबन्धी कनून, प्रक्रिया ते चुनावं दौरान नियम-कायदें वगैरा शामिल हे। इनें अधिकारियें गी उंदी भूमिका ते जिम्मेवारियें बारै बी दस्सेया दसाया गेआ। मौके उप्पर विशेष महाजन होरें आखेआ।

<><><><><><>

Differently Able voters Jammu

औंदे लोकसभा चुनावं दी तैयारियें गी लेइयै समाजिक भलाई-बेहतरी आहले मैहकमे नै जिला प्रशासन कन्नै रलियै जम्मू च इक प्रेरणा देने आहली रैली दा सरिस्ता कीता। जम्मू दे जिला चुनावं अधिकारी सचिन कुमार वैश्य हुंदी अगुवाई च इस प्रोग्राम दौरान चुनावं गी समावेशी

बनाने ते मतदाताएं गी जागरूक करने पर जोर दित्ता गेआ। दिव्यांग जनें इस प्रोग्राम च शिरकत कीती ते लोकवादी प्रक्रिया च हिस्सा लैने दी वकलात कीती।

<><><><><><>

Digital-Signature

सरकार नै सब्बनें अधिकारियें ते दफ्तरी कम्में लेई डिजिटल दस्तखत प्रमाण पत्र दी बरतून करना लाजमी करी दित्ता ऐ। सुधार ते लोक शकैत, अमले सरबंधी मंत्रालय ते पेंशन सरबंधी मंत्रालय ते पेंशन सरबंधी मंत्रालय नै ई-दफ्तर सरिस्ता लागू करने बारै जायजा मीटिंग दौरान इसी लाजमी करने दे निर्देश दित्ते। मंत्रालय नै ई-दफ्तर सरिस्ते च फाइलें गी भेजने कोला पैहले ई-फाइलें पर इलैक्ट्रनिक ढंगगै कन्नै दस्तखत करने लेई सब्बनें अधिकारियें गी डिजिटल दस्तखत प्रमाण पत्र DSCs जां आधार आधारित ई-दस्तखत सरिस्ते जां ई-हस्ताक्षर सरिस्ते दी बरतून करना लाजमी करी दित्ता ऐ। कम्मकाज सरबंधी डिजिटल माहौल गी अपनाने दे मकसद कन्नै ते भौतिक तौर पर दस्तावेजें पर निर्भरता गी घट्ट करने, साइबर सुरक्षा गी यकीनी बनाने ते सरकारी फाइलें तोड़ी गैर कनूनी पुज्जत गी रोकने लेई इयां कीता जा करदा ऐ। सब्बनें प्रशासनिक मैहकमें, मैहकमें दे प्रमुखें, डिप्टी कमिशनरें, बक्ख-बक्ख सार्वजनिक उपक्रमें दे प्रबंध निदेशकें, बोर्ड ते संस्थानें गी पैहली जून 2024 सवां तत्काल प्रभाव कन्नै डिजिटल दस्तखत प्रमाण पत्र सरिस्ते, आधार आधारित ई-दस्तखत जां ई-हस्ताक्षर सरिस्ते दी बरतून करने दे निर्देश दित्ते गे'न।

<><><><><><>

Samba-Voters

सरहदी जिले साम्बा दे मतदाताएं गी औंदे लोकसभा चुनाएं लेई जागरूक करने ते बधी-चढियै हिस्सा लैने आस्तै सांबा दे युवा सेवां ते खेड्डु विभाग नै स्वीप तैहत सांझा प्रयास करदे होई लौहकी मैराथन द्रौड़ दा सरिस्ता कीता। पंगदौर थमां शुरू होई दी ते कौलपुर च जाइयै सम्पन्न होई दी इस द्रौड़ दा विशेसार हा, हर कदम दा ते हर वोट दा महत्व ऐ। सांबा दे जिला चुनांस अधिकारी अभिषेक शर्मा होरें सांबा दे एसएसपी विनय कुमार हुंदे कन्नै इस द्रौड़ गी झंडी दस्सियै रवाना कीता। इस मिनी मैराथन च जिला अधिकारी, पुलस अफसर, विद्यार्थी ते बक्ख-बक्ख वर्ग दे लोक शामिल होए। द्रौड़ दे अखीरै च शारीरिक व्यायाम कीते गे ते जेत्तुएं गी युवा सेवां ते खेड्डु विभाग आस्सेआ ईनाम बी दित्ते गे। आकाशवाणी समाचार कन्नै गल्ल करदे होई अभिषेक शर्मा होरें आखेआ।

EAM-Asean Future Forum

विदेश मंत्री डॉ. एस जयशंकर होरें अज्ज आखेआ जे भारत गी विश्वास ऐ जे दक्खन पूर्व एशियाई देशें दा संगठन Asean, उभरदे हिंद प्रशांत खेत्तर च सकारात्मक भूमिका नभाई सकदा ऐ। वर्चुअल माध्यम राहें पैहले Asean फ्यूचर फोरम च बोलदे होई डॉ. जयशंकर होरें आखेआ जे भारत दे Indo Pacific Ocean's Initiative ते .. हिंद प्रशांत उप्पर नजरिया मजबूत सहयोग आली बक्खी सारत करांदा ऐ जेदे च चुनौतियें कन्नै व्यापक सुरक्षा दे आधार उप्पर निबडना शामिल ऐ। उनें अगो आखेआ जे Asean भारत दी एकट इस्ट नीति दे केंद्र च ऐ ते भारत दे हिंद प्रशांत मिशन दा महत्व आला थम्म ऐ।

<><><><><><>

Democracy-Track

जम्मू च बजालता थाहर जम्मू दे जिला चुनांs अधिकारी आस्सेया स्वीप तैहत प्हाड़ियें पर चलने आले ट्रैकर्स, महिलाएं ते ग्रामीणें आस्सेआ डेमोक्रेसी ट्रैक दा सरिस्ता कीता गेआ। 5 किलोमीटर लम्मी एह चढाई ऐथम व्यू प्वाइंट थमां शुरू होई। इस दौरान मुकामी लोकें गी लोकतंत्र गी मजबूत करने आस्तै 26 तरीक अपना वोट पाने लेई औने आस्तै जागरूक कीता गेआ। भारत च मतदाताएं गी चुनाएं च हिस्सा लैने लेई शिक्षित करने आस्ते चुनांs आयोग आस्सेआ स्वीप नां दा इक प्रोग्राम चलाया जा'रदा ऐ। नगरोंता ते चौकी चौरा दे ब्लाक विकास अधिकारी होरें जम्मू-रियासी संसदी हल्के दे मतदाताएं गी लोकतंत्र आस्तै मतदान च हिस्सा लैने लेई प्रेरित करने आस्तै बड़ी सरगर्मी कन्नै डेमोक्रेसी ट्रैक च हिस्सा लैता।

<><><><><><>

Terror-Attack

राजौरी जिले दे शहादरा शरीफ इलाके च जंदी रातीं बेपंछानू आतंकवादियें आस्सेआ टेरीटोरियल आर्मी दे जुआन दे भ्राs दी लक्षित करिये हत्या करी दित्ती गेई। जम्मू आकाशवाणी दे संवाददाता नै खबर दित्ती ऐ जे बंदूकधारियें, टेरीटोरियल आर्मी दे जुआन उप्पर ओह्दे कण्डा ग्रां च घर जाइयै गोलियां चलाइयां, जिंदी जद च ओह्दा भ्राs आई गेआ जेडा गंभीर तौर उप्पर जख्मीं होई गेआ। अस्पताल पुज्जने उप्पर उसी मृत घोषित करी दित्ता गेआ। मारेआ गेदा शख्स समाज कल्याण विभाग च कम्म करदा हा। तोआई पुलस ते सेना दी सांझी टीम नै घेराबंदी करियै तलाशी अभियान शुरू करी दित्ते दा ऐ।

GoC Northern Command

सी नार्थन कमांड दे जी.ओ.सी लेफ्टिनेंट जनरल एम.वी सुचिंद्र कुमार होरें अज्ज जम्मू-कश्मीर दे भद्रवाह च फौज दे कार्प्स बैटल स्कूल च आतंकवाद कन्नै निब्बड़ने सरबंधी सिखलाई प्रोग्राम दा जायजा लैता। 1 ज्हार 114 पी.एस.आई जिंदे च 146 महिलां बी शामिल न, उनेंगी जम्मू-कश्मीर च उभरा करदियें सुरक्षा चुनौतियें, मौजूदा तैयारियें ते गुरेला युद्ध बारै सिखलाई दिती जा करदी ऐ। फौज दे इक्क प्रवक्ता नै आखेआ जे एहू अपने चाल्ली दा पैहला बड्डा सिखलाई सरिस्ता ऐ जेदे च फौज जम्मू-कश्मीर पुलस दे अधिकारियें गी सिखलाई देआ करदी ऐ। लेफ्टिनेंट जनरल सचदेवा होरें सिखलाई ते अभ्यास गी दिक्खने मगरा सखेत्तरुं ते उनेंगी सिखलाई देने आहलें दी सराहना कीती।

<><><><><><>

Hanumaan Jayanti

हनुमान जयंती दे पवित्र ध्याड़े उप्पर अज्ज पुंछ कस्बे दे मुकामी समुदाय च खासा मता धार्मिक उत्साह ते भावना दिक्खी गई। समारोह दी शुरूआत पारंपरिक कीर्तन ते धार्मिक जुलूस कन्नै होई जेदे च बक्ख-बक्ख वर्गे दे लोकें बड्डी गिनतरी च हिस्सा लैता। मुकामी बागची मंदरै च ते होर दुए सामुदायिक केंद्रें च लोकें बधी चढियै प्रार्थनाएं ते हनुमान चालिसे दा पाठ कीता। प्रसिद्ध धार्मिक गुरुएं ते विद्वानें मानवता गी हनुमान जी दी सिक्खेआ कन्नै जोड़ने आले प्रवचन दित्ते।

<><><><><><>

Indias Education

प्रधानमंत्री नरेंद्र मोदी होरें उच्च शिक्षा उप्पर क्वाक्रेरेली साईसमंडल क्यूएस दी विश्व रैंकिंग च भारत दे प्रदर्शन गी उत्साह बधाने आला दस्सेआ ऐ। इक सोशल मीडिया पोस्ट उप्पर मोदी होरें आखेआ जे भविक्ख च मय्यारी शिक्षा उप्पर ध्यान दित्ते जाने कन्नै भारत दी युवा शक्ति गी फायदा होग। उनें अगे आखेआ जे सरकार बड्डे स्तर उप्पर अनुसंधान, अध्ययन ते नवाचार उप्पर ध्यान देआ रदी ऐ।

<><><><><><>

IPL

आई.पी.एल क्रिकेट च अज्ज संज्ञा चेन्नई दे एम.ए चिदंबरम स्टेडियम च चेन्नई सुपर किंग्स दा मुकाबला लखनऊ सुपर जायंट्स कन्नै होग। एह मैच संज्ञा साङ्के सत्त बजे शुरू होग। अंक तालिका च एल्लै चेन्नई सुपर किंग्स चौथे ते लखनऊ सुपर जायंट्स पंजमें नंबर उप्पर ऐ। कल जयपुर च खेड्डे गेदे मुकाबले च राजस्थान रायल्स नै मुम्बई इंडियन गी 9एं विकटें कन्नै हराई दित्ता हा।

